

FARRA EMAN ZIRAN

Egun batian nizkan
zapatari bati,
eraman konpontzera
zapata pare bi,
esan ziran: bigarko
ditut konponduko,
aldetan onduena
ditut nik jarriko;
ala esan bezela
joanik beragana,
egiña baizekarren
ordurako lana;
neri ematerako
garbitzen zan asi;
ontzi batian zekan
lustre zar ta guzi;
esan ziran: alperrik
oñetako danak
galdutzen ditu chistu
orren maiz emanak,
etzayo eman bear
chisturik iñola,
eta obe baidezu
beti egiñ ala;
izketan ari zala

alako batean,
nun chistuba botadu
lustrien tartean.
Orduan esan niyon
farra egiñikan:
¿aibeza bedorrenak
ez aldu gaitzikan?
oso lotsaturikan
bertan zan gelditu,
arpegiya zitzayon
aguro gorritu.

.

Besteri naidubenak
falta erakutsi
nor berak lenbiziko
bearko du utzi.

ROSARIO ARTOLA.

